

Learning French in Medieval England

MS S

[Introduction]

[...]

[Infancy and early childhood]

[...]

[Parts of the body]

[...]

[Clothing]

[...]

[Food]

[...]

[Collective names of animals]

[...]

[Animal noises (voces animantium)]

[...]

[Varia 1]

[...]

[Harvesting]

[...]

[Baking]

[...]

[Weaving]

[...]

[Malting and brewing]

[...]

[Fishing]

[...]

[The garden]

[...]

[Bad weather]

[...]

[Flowers]

[...]

[Trees]

[...]

[Woodland birds and beasts]

[...]

[1ra]

Plus est delit en le oriole

Escuter la noise del oriole ^{wodewale}.

Jeo vei ici un tesoun ^{brock}

4 K'ad deguerpi sa meisoun

Pur la sente d'un gopil

Ke l'ad mis en exil.

Jeo vai ci une putois ^{illegued} . [1]

8 Seit en vile, seit en bois,

Jeo vodra meutz une belette ^{wesle}

De fere ma grange de rats nette

Ke tous les taupes qe sount trovez

- 12 En tere fouans parmi le pree,
 E la char de cerf e de foun
 Ke la melodie de asne e de poun.
 Plus cher ad dame cowe de poun
- 16 Ke de eschequer fers ou poun.
 Jeo vei ci soutz la dume
 Un oisel plumé, ci gist la plume;
 Mes cil qe les oiseaux ad desplumé
- 20 Meutz vodra qe il eut nois blucee.
 Jeo vei ester un petit neym ^{duarw}
 En la rivere q'est dit 'Neyn'.
 En sa main tient un neyn ^{hok}.
- 24 Pescher veout, ne peot pur ceym ^{slet}.

[Parts of a cart]

- Jeo eo vei venir une charette.
 Bon est qe moi entremette
 En franceis la charette decrire.
- 28 E pur enfauntz mettre en livere,
 En primes voil nomer les reos,
 Puis les bendes entour les reos.
 Desoutz les bendes qe sunt de fer
- 32 Sunt les jaunts ^{velien} estachetz de fer.
 En les jaunts entre les rais ^{spoken},
 Del (ms. Dul) solail issent les rais,

[1rb]

- De la mer viegnent les raies ^{fisch},
- 36 E ver la feire vount les raies ^{burelelez} [2]
 Mes les raies de la charette
 En les moaux unt recette.
 Seet le moal en le reo
- 40 E le moel en un eof;
 Le un est bon pur fees porter,
 Le aultre est bon a manger.
 En le moal est mys le essil
- 44 E par deux heces se tent kevil.
 Les eissils unt lour juners ^{cloutes}
 Ke lour eident cum bones freres.
 Sur l'essil git le cartil ^{carbodi},
- 48 E pur sauver lui de peril
 Le cartil est des brahés ^{withen}

- Ferm lyés a les essils.
 Entre le chartil e les moaux
 52 Sunt hordieres ^{cartpinnes} trovez deux.
 Jescun charette qe meine bleez
 Deit aver riddles a coutez.
 En les ridles ^{ronges} sunt les rolowes ^{rongstaves},
 56 Par les reofs sauntz nule clowes.
 Outre les moaux sunt sauheres.
 Si unt les charettes lours escheles.
 En les lymons ^{thille} va le limoner ^{thilhors}
 60 Ki porte a doos un doser ^{rugwitthe},
 E au ventre un ventrer ^{wombrop},
 E a la cowe un waluer ^{tailrop}. [3]
 Les trees si unt braceroles ^{nostles}
 64 Ke abracent les limons e acolent.
 Devaunt les braceroles sunt billés ^{pinnes}
 Ki de cuteux sunt round dolés ^{switen}.
 Les cols des chivaux portent esteles ^{hamen}
 68 E colers de quir ou bourles ou celes.

[1va]

- En la charette est le somer,
 La ou seet le charetter
 Ke tient en main la riorte
 72 Par quei le chival en chemin resorte.

[Parts of a plough]

- De la charette a la carue
 Pur descrire moi remue.
 En la carue vous troveretz
 76 Divers nouns assignetz.
 Le ched et le penoun,
 Le manual e le tenoun.
 Par desus est le oriloun.
 80 Plus amount est le eschecun.
 La sok e le vomer
 Deit la carue aver.
 En longe la carue est la hai,
 84 Ke vient de bois ou de hai.
 La carue si ad un maillet ^{plouhbetel}
 E le mundiloun ^{hakerstaf} pur fere le net.
 Devant le hai sunt les clavons

- 88 Ou sunt atachez les tenouns.
Les beofs portent les juges
Pur Crestiens e pur Giwes,
E par les arsuns en juge fermetz
92 Sunt les beofs si fort artetz
Ke lour covent maugré lour
Par le agilloun eschivre errour.

[Building]

- A la carue assez avoms.
96 Redressom ore nos mesons.
Si vous avetz en corage
Un chambre lever en estage,
Primes doit comencer
100 Et le fundement getter.
Et pus levetz la messere ^{wal},
Dunt femme est dit messuere.

[1vb]

- Ceo est mur qe environ la court
104 Et mesere qe a coumble ahurt.
Sus la mesere en travers outre
Amount le celer mettent le poutre ^{wirtre}.
Et le piler desoutz le poutre
108 De chevestres ^{haltre} lietz le poutre.
En vostre soler, sus le poutre,
Les solins ^{gistes} mettez outre; [4]
Amount les solins la plauncié ^{floor},
112 De bord ou plastre bien pavié.
Sus la mesere les trahez mettez.
De deux cheverons le couple facez
Ke ferm esterra sus la mesere
116 Par kivil e par terere ^{wimbel}.
De tute la meson en coumble apert
En cele tect dunt est covert.
En la chaumbre deit bien estre
120 Luminaire a la fenestre.
Al entré del huis est la lime ^{thresuold}
Et outre la teste la sullime ^{overslai}.
De cousté sunt les gimmeux ^{doretren}
124 Ou sunt fchez les aneux ^{ringes}.
En le un gimel sunt les gouns ^{hokes},

Et vertivels ^{twistes} sunt mis a gouns.

E par cliket ^{lache} e par serure ^{lok}

128 Ert la meson plus ensure.

[Preparing for guests]

[...]

[Varia 2]

[...]

[A feast]

Un vallet de la novelerie

Vient er de un mangerie

Et de la feste nous ad counté

132 Coment lur servitz fut adrescé.

Saunz pain, vin e servese

Serreit nule feste a ese.

Au premer fust aporté

136 La teste de sengler enarmé

[2ra]

E a le groin les coletz enbanéré,

E puis veneison od la furmenté,

Assetz parmi la meson

140 De grece e de enfermisoun.

E puis aveient diversetez en rost.

Sist jescun aultre de cost:

Grues, pouns e cyne,

144 Owes rosers, purceux e gelins.

Au tiers cours aveient conils en gravé

E viaunde de cipre enfoundré

De macies, quibibes, clous dorré,

148 Vin blank e vermail od grant plenté.

Et puis avoient feisauntz e partriz,

Grives, aloues e plovers rostiz,

Braun, cresse e fruture

152 Pur fere lour aveisure.

Aprés manger aveient grant plenté,

Blaunche poudre ové groce dragé.

Notes

1. The gloss is unclear. One would expect a nominal form (probably fulmard, based on the other MSS), but illegued looks verbal, possibly the past tense form of leggen (to speak against). In other Tretiz MSS, the equivalent line reads E maudit soit li mau putois; is it possible that illegued corresponded in an exemplar to maudit (with a sense along the lines of accused, criticised) but was erroneously copied across and ascribed to putois within the line as reworked here? [TGH]
2. This form is attested as an erroneous variant plural of burel in the MED. [TGH]
3. Two forms of this word are recorded in MSS of the Tretiz and related texts: avaluer (sometimes shortened to valuer) and vauner. AND has an attestation for each of these. Modern French preserves avaloir (see TLF: pièce du harnais qui descend derrière les cuisses des chevaux et les entoure à leur partie inférieure), attested already in the 13th century (Godefroy Compl. 8:245). This suggests that (a)valuer is the more etymologically sound of the two alternatives ('aval'= underneath + '-oir' suffix, a rope passing underneath/round the back of the horse), with vauner possibly derived from misreading of the 'u' as an 'n' and palatalisation of the 'l'. [TGH]
4. The equivalent Latin term is soliva, glossed as sulle and solive in MSS of John of Garland's Dictionarius (see DMLBS, soliva: beam, rafter, sill. Some Tretiz witnesses (e.g. PT) give the word solive here; others (including GSY) have seilloun. The former word is doubtless derived from the Latin etymon; the latter appears to be the same term as the Dictionarius gloss sulle and is presumably to be related to English sil(le). We have chosen to link to AND headwords solive and seilloun respectively, depending on each manuscript's reading. [TGH]